

PERNYATAAN DASAR:

Kami komited untuk menguruskan sumber tenaga secara bertanggungjawab, cekap dan berdaya mampan. Kami komited untuk terus meningkatkan prestasi pengurusan tenaga kami dengan mematuhi obligasi pematuhan berdasarkan undang-undang secara statutori dan secara sukarela.

Kami percaya dengan mengoptimumkan penggunaan tenaga boleh membawa kepada penjimatan kos, kelestarian alam sekitar, kepatuhan undang-undang dan peningkatan keseluruhan prestasi perniagaan.

OBJEKTIF DASAR:

1. Mempromosikan sumber tenaga boleh diperbaharui, menambah baik kecekapan tenaga dan merendahkan pelepasan gas rumah hijau untuk mengurangkan impak alam sekitar daripada penghasilan dan penggunaan tenaga;
2. Menggalakkan amalan lestari, memastikan sumber tenaga digunakan dengan cekap dan memberikan impak yang minimum kepada alam sekitar; dan
3. Mempelbagaikan sumber tenaga, mengurangkan kebergantungan pada bahan api tertentu dan memastikan daya tahan terhadap potensi gangguan yang mungkin berlaku.

SKOP DASAR:

Dasar ini terpakai dalam semua aspek, proses, aktiviti dan fungsi SIRIM.

KOMITMEN KAMI:

1. Kami berusaha untuk meningkatkan kecekapan tenaga merentasi semua operasi kami dengan cara mengenal pasti peluang untuk pemuliharaan tenaga, melaksanakan teknologi jimat tenaga dan mengoptimumkan penggunaan tenaga dalam proses kami;
2. Kami mematuhi semua keperluan undang-undang yang terpakai dan standard yang diguna pakai oleh SIRIM berkaitan dengan kecekapan, penggunaan dan pemanfaatan tenaga;
3. Kami membudayakan penambahbaikan berterusan dalam prestasi tenaga dan sentiasa berusaha untuk merendahkan penggunaan tenaga jika boleh, dengan cara memantau, mengukur dan menilai corak penggunaan tenaga secara konsisten bagi mengenal pasti aspek untuk ditambah baik dan menetapkan sasaran untuk penambahbaikan yang sedang berjalan;
4. Kami menyediakan maklumat dan sumber yang diperlukan untuk menyemak dan memastikan kami mencapai objektif dan sasaran;
5. Kami mengambil kira kecekapan tenaga semasa proses spesifikasi dan pemerolehan produk, peralatan dan perkhidmatan yang menggunakan tenaga; dan
6. Kami mengambil kira peluang penambahbaikan prestasi tenaga semasa merekabentuk kemudahan, sistem dan proses yang baharu, dipinda dan diubah suai di mana terdapat kesan prestasi tenaga yang ketara.

SIRIM berhak mengkaji semula dan menyemak dasar ini bagi memastikan kesesuaian pemakaiannya secara berterusan dan apabila difikirkan perlu.

Atas Arahan,

A handwritten signature in black ink, consisting of a stylized 'N' and 'H'.

NIK SAZALI BIN NIK HUSSIN

Pemangku Presiden dan Ketua Pegawai Eksekutif Kumpulan
SIRIM Berhad
01 Ogos 2025